



## 讓位

捷運勻勻仔駛入來月臺，迴過玻璃窗看會著車廂內底的旅客櫬櫬無蓋濟。大伐上車閃過幾若个揸冊包的學生，手伸懸清彩捎一个吊環搵綴綴人倚咧。無事無白一个坐佇「博愛座」半老老的婦人人，目睷看對我遮來，手擡起來那搵那指伊邊仔的空位，意思是我有夠格去坐彼款老歲仔咧坐的「博愛座」。看著這個手勢雄雄我煞愣去。大約頓證是一秒爾，換我喙仔笑笑嘛擡手起來搖兩、三下，意思是袂愛。一直到下一站落車，攏無倚去遐坐。

行出來站外了後家己那咧想，我拄才戴一頂烏帽仔，白一半的頭髮嵌牢著，是按怎伊坐佇兩、三米遠的所在，會掠做我是一个老人咧？伊是看我額頸仔皺皺，目眉有插幾枝仔白毛齷齷予伊認著？抑是講目空白下跤的肉垂垂去予眈著？

佇咧站外，看著四、五个讀高中的查某囡仔倚佇車牌仔跤咧等公車，隨予我想著彼の婦人人規部(phō)的頭毛恰遮的學生全款烏黢黢，無成一个會使坐「博愛座」的老歲仔人，原本就歹勢歹勢坐佇遐。雄雄影著一个略仔有夠格的人距上車，就緊猛招我去坐，鉸角著是出佇遮，伊才會遐好心咧攢我。

對我來講讓位早都毋是新聞矣，袂愛去坐的因由是我毋認老，猶未行到會使坐佇遐的坎站。閣再講坐捷運極加是一、二十分，著準跤痠嘛是忍一下就過矣。

人老是看外形的，佇熱人，衫仔褲包袂遐齊著的時，就予你袂假得，像講手骨、額頸、鼻目喙仔的皮肉若烏、粗閣冗冗，一眼看出去龜趺隨趁出來。少年家仔會愛穿無領領、肩胛的薄衫，共皮肉落出來予人看，是伊有本錢通展伊幼白的皮肉恰身材。按呢就會當解說是按怎較濟歲的查埔人愛穿彼款共額頸箍綴綴的西裝，就是欲聞彼領皺襞襞的老皮。啊若講著彼條花巴哩貓結佇額仔領，津佇胸前的領帶，是欲嗔你的目睷莫去斟酌伊的面皮爾爾。講一句真話，老歲仔人若正經共衫仔褲總剝剝起來，倚去鏡臺的頭前家己小繩一下，敢就會看口得？

作者：藍春瑞

### ☆詞彙學習☆

【櫬櫬】lang-lang：稀稀疏疏。

【無事無白】bô-sū-bô-péh：毫無理由。

【半老老】puànn-ló-lāu：中年。

【愣去】gāng-khì：發呆；出神。

【齷齷】giàng-giàng：稀疏的樣子。

【部】phō：量詞；指竹櫬或頭髮。

【烏黢黢】oo-sim-sim：頭髮烏亮有彈性。

【略仔】liòh-á：稍微。

【鉸角】mê-kak：關鍵訣竅。

【坎站】khám-tsām：階段；地步。

【極加】kik-ke：大不了；充其量；頂多。

【袂假得】bē ké--tit：假不了。

【冗冗】līng-līng：寬鬆；不緊實。

【龜趺】ku-kha：(露出)馬腳。

【花巴里貓】hue-pa-lí-niau：顏色花樣多得讓人受不了。

【會看口得】ē khuànn-kháu--tit：上得了檯面。

【繩】tsin：定睛細看。